

# Saksprotokoll

Formannskapet og  
næringsutvalet

23.11.2017

Sak: 114/17

Tittel: **Saksprotokoll - Budsjett 2018, økonomiplan og planleggingsprogram 2018-21.**  
Arkivsak: 17/3777

## Behandling:

Rådmann orienterte om desse oppfølgingspunktene:

-Saldering av ØP i åra 2019-20 og -21. Her er mindre ubalanse i det dokumentet som er framlagt. *Rådmann tilpassar framlegget slik at det er balanse i økonomiplanperioden.*

-Budsjettframlegget for kontrollutvalet vil bli handsama i deira møte 27.11. Tilrådinga til kontrollutvalet har høgare kostnad på forvaltningsrevisjon med 50.000 og det er teke med kostnad på selskapskontroll på 60.000 som ikkje er i framlegget. I tillegg kjem at kostnad på økonomisk revisjon med vedtak i repskap. i revisjonsselskapet er 40.000 høgare enn i framlegget. *Endringar vert teke stilling til 06.12.*

-Det er kome tilbod frå Sogndal kommune om å delta i felles barnevernsvakt for regionen i regi av SBV. *Kostnad som må påreknaast 100.000 vert innarbeidd i budsjettframlegget.*

-Eigedomsskatt. I høve det som er utsendt er det aktuelt å endra opplegget til å nytta skattetakst på 2 promille og botnfrådrag på 200.000 pr bueining for bustadhús og fritidshus. *Dette vert lagt til grunn i høyningsdokumentet.*

Formannskapet gjekk gjennom budsjettframlegget, budsjettboka kapittel for kapittel.

Formannskapet kommenterte, stilte spørsmål og la fram innspel/føringar som rådmann tek med seg inn i sluttredigeringa av høyningsdokumentet.

Geir A Sandvik sette fram slikt framlegg:

*Luster Høgre ynskjer også for 2018 ei anna retning på budsjettet enn det som er framlagt.*

- *Luster Høgre vil ikkje utvide grunnlaget for eigedomskatt til å gjelde næringseigedom og private bustadar*
- *Luster Høgre vil ikkje legge opp til eit budsjett som nyttar 3.5 mill frå fond for å balansere drifta*

*Sjølv om Luster Kommune har fått svekka inntektsgrunnlaget sitt dei siste åra pga blant anna svake kraftprisar, er me blant kommunane i landet med høgaste inntekter pr innbyggjar. Me meiner derfor at LK må redusere driftsnivået sitt for å tilpasse seg dagens og framtidas inntektsnivå utan å innføre allmenn eigedomskatt. Dette vil me gjere med å gjennomføre omfattande endringar av strukturane, i mellom anna skulen.*

*Luster Kommune har eit utgiftsnivå på dei aller fleste område som ligg godt over landet elles.*

*Skal me i framtida kunne vere like rause med aktivitetar som Lustrabadet, Sogn Skisenter, kunstgrasbane, Friskhus, støtte til etablering og utvikling av næringslivet og landbruket, og ikkje minst dei rause ordningane me har til barn og unge innan idrett og kultur, må ein endre driftsstrukturane og redusere tal tilsette.*

*Luster Høgre meiner at det framlagte budsjettet ikkje tek nok omsyn til framtidig inntektsnivå. Dette vil føre til innføring og deretter auke i eigedomskatten for private og næringsliv, samt lite rom for utvikling og investeringar i framtida.*

Tilrådinga fekk ei røyst. (GAS)

Tilråding frå rådmann vart vedteken mot ei røyst.(GAS)

Samla protokoll frå sak 114/17 skal følgja med høringsframlegget.

## **Vedtak:**

Formannskapet sitt høringsutkast til Budsjett og økonomiplan 2018 - 2021 vert lagt ut til høyring/off. ettersyn, jf. Kommunelova §§ 44 - 45.

Formannskapet si tilråding går fram av budsjettetskema 1A, 1B, 2A og 2B m/vedlagt dokumentasjon og omtale. Planleggingsprogrammet 2018-21 inngår i saka.

Rådmannen oppdaterer og redigerer budsjettdokumenta i samsvar med drøftingane før dei vert lagde ut.

Budsjettutkastet vert lagt ut til offentleg ettersyn frå 23.11.17, og uttaler må vere kommunen i hende innan 06.12.17. Dokumenta ligge ute på følgjande stader; Biblioteket, rådhuset og heimesida.

---